



Selasa, 11 Oktober 2022
Ogen: Ester 1:15-18



"Wasti dan Ester"



Wasti e me kemberahen raja Ahasweros raja Persia. I bas pemerintahen raja e, rikutken adat ras kebiasaan i negeri e, maka ibahan me pesta man-man guna kerina pembesar-pembesar, pegawai-pegawai, tentera Persia ras Medi, gubernur-gubernur i bas 127 propinsi bage pe bangsawan-bangsawan. La terjeng man bangsana ngenca raja Ahasweros erbahan pesta man-man tapi pe man kerina kalak si ringan i kuta Susan, subuk si bayak tah musil. Raja encidahken kinibayaken, kebaganna dengen kemulianna man kerina temue. Ersura-sura raja lako ndilo Wasti kemberahenna guna reh ku pesta silakokenna. Sura-sura raja nuduhken tole uga kemberahenna e mejile man kerina temuena. Tapi Wasti la nggit nehi pendilo raja. I bas penulken e, merawa raja, mis akapna kemberahenna e la mehamat man bana. E maka i pedarat raja me peraturen gelah kerina ndehara si lit i negeri e patuh dengen mehamat man perbulangenna, la tejeng peraturen ngenca i pedarat tapi Wasti lanai banci ngadap man raja asa ndigan pe janah raja Ahasweros lanai ngakui Wasti selaku kemberahenna.

Adi iperdiateken alasen wasti, labo ia la mehamat man perbulangenna, tapi la akapna payo kinijilenna ituduh-tuduhken man kalak si enterem. Bias me kinijilenna e perbulangenna saja ngidahsa ras ngenanamisa. Sada dampar wasti mpertahanken hakna, sirang pe labo dalih gelah ula ia irendahken alu ituduh-tuduhken kinijilenna man karina temue raja. Ester, turang Mordekai, singuda-nguda si mejile rupana janah potongenna pe sikap. Ipekena-kena kulana kidekah enem bulan. Kenca si e ibaba me ia ngadap raja; senang dengen malem kel ate raja ibahan Ester. Itamakan raja Ahasweros me mahkota ku takal Ester janah ia me ratu nggantiken Wasti, dengen tading ia i bas istana. Tading i istana la erbahansa Ester lupa man Dibata ras man bangsana.